

共八本

鳳凰廳續志

卷八

鳳凰廳續志

鳳凰廳續志卷六

兵防志

營制

謹按前志嘉慶五年酌議南省裁撥內地各標協營名糧八百分移入鎮筵鎮標挑放內扣七十五分又保靖營抽撥二十五分共合一百分添設外委一員歸入鳳凰廳標管轄其鎮筵四營合原設兵共四千一百七名等語查鳳乾永三廳標兵業於嘉慶十九年奉文全數裁汰其鳳凰廳標外委撥歸新設嶺東營挑補近歲鎮標防額亦多更減茲編續志特繕新

鳳凰廳志 卷六
章

道光十六年詳准改移中營右哨觀景山千總於存城
訓練弓箭籐牌所遺汛防卽以存城右哨七司把總
移駐

二十二年奉裁戰糧九分守糧二分撥歸直隸天津召
募

二十五年奉裁戰糧四分守糧十一分撥歸耒陽召募
三十年奉裁馬糧一分戰糧四分守糧十五分撥歸新

平營召募

咸豐五年奉文裁馬改戰兵丁三十四名

奏鎮筭鎮標除經制官弁悉沿舊額外馬兵一百三十六名戰兵一千八百二十一名守兵二千一百四名共合兵丁四千六十一名

節次共裁馬戰守兵四十六名

官俸

同治■年奉文鎮筭鎮自總兵以下外委以上嗣後節年應支俸薪養廉雜款除馬乾外每銀一兩照庫平酌減六分同治十一年奉文發標學習世職自本年春季起所關世俸銀兩騎都尉減半給發雲騎尉以下減四成給發一俟庫款稍充再照舊章辦理

惠賞

鎮標兵丁例給惠賞銀兩紅事支銀二兩白事支銀
四兩道光八年奉文減作七成給領紅事支銀一兩
四錢白事支銀二兩八錢咸豐三年奉文紅事全裁
白事本丁支銀二兩父母支銀一兩其租父母等均
不給支

兵米 平奉 文題 軍糧 自 縣 兵 以 下 於 委 以 土 隨 分

鎮軍鎮標外額兵丁支食糧米每員名每月米三斗
遇閏加增向悉折色按米一石折銀六錢例赴糧道
衙門分季請領乾隆八年

奏准給支各弁兵四個月二十餘日本色食米由沅陵

瀘谿辰谿麻陽四縣領銀採辦解發嘉慶八年將沅陵瀘谿改撥會同芷江又乾隆三十七年因鎮筸山多田少每值青黃不接米貴食艱詳請每弁兵每年借穀三石在於鳳麻兩屬常平倉穀項下按數分支照依北省定例每石扣銀五錢彙交該廳縣秋成買補旋因苗變廢停嘉慶九年前任總兵富志那商同將備共將養廉攤捐銀一萬兩交辰沅道兌買屯穀酌定每石價銀八錢計穀一萬二千五百石照舊借支各弁兵資爲接濟每年在於月餉銀內自正月至五月每月扣銀二錢又自六月至十月每月扣銀一

錢十一月扣銀八分一釐三毫四絲八忽每弁兵名下扣銀一兩五錢八分一釐三毫四絲八忽共扣銀六千四百九十一兩四錢三分三釐五毫四絲計短銀三千五百零八兩五錢六分六釐四毫六絲按領折色銀兩劃清抵補道光十九年援詳

奏准各弁兵例支本色食米自正月初一日起至五月二十四日止又接濟食穀五個月共只九個月零尙餘兩個月四日應悉改支本色卽將兩月四日米折銀兩交辰沅道碾米散放原定例價不敷由督撫司道公捐歸款現在鎮標外委二十三額外二十一

合馬戰守兵共四千一百五員名每員名原支本色
四個月二十四日半計米一石四斗四升七合四勺
九抄二撮共米五千九百四十一石九斗五升四合
六勺六抄加改兩個月四日每員名支米六斗四升
共米二千六百二十七石二斗二共米八千零六十
九石一斗五升四合六勺六抄除領本色食米七個
月外餘五個月折色銀三千六百九十四兩五錢仍
赴糧道衙門領出除閏月隨餉關支外正折銀兩抵
補接濟穀價尙餘銀一百八十一兩八錢三分三釐
五毫四絲一律搭餉散放

近例鎮標兵丁每逢十二月關銀二兩八錢名曰調
濟又於九十兩月關銀九錢二分名曰加增調濟至
次年正月起按月陸續扣回屆期復領查此二項係
道光十六年由署鎮楊侯因資創設事非經制日久
相詔收放得宜遂爲定款

勦撫

道光二十四年乾州廳痞苗石觀保等創名夥款煽結

沿邊廳縣屯田苗佃藉詞荒損挾眾抗租

按屯制民苗租徵佃課其數依業戶藏收爲較輕比
錢糧賦則爲倍重苗寨田皆險瘠節被水冲沙壓加
以旱蝗斂積無多實形竭蹶疆吏正思豁欠緩徵除
零減額以紓佃力而狡黠兇苗翻圖傾變舊章朋謀
挾制時承平日久苗疆禁弛稽疎往往私置刀鎗收
藏火藥至是大河痞苗石觀保楊貴兒楊光明石八
兒楊正富楊老文等互相勾煽歆血標稱以人數眾
者爲大款頭少者爲小款頭俱聽楊石諸酋號令合
勢抗租鄰境佃苗多隨和者當事懼挑邊釁不敢推
詢

二十六年秋苗款旣張鄰佃漸形觀望事聞大府出示

招攜乾苗悍然不聽

乾州同知鄒蔭楠度款情終不可隱乃疏實密陳大
府一面假他事擒置病夥於獄款黨銜之卽亦捉人
相抵並聚匪莪栗坡倡言劫奪以櫻眾心辰沅道呂
恩湛聞報計須寬猛兼施不可操之太急遣員赴乾
境調停解釋而安總督裕泰隨頒告示宣
列朝之恩德恤窮佃之艱辛現方減則蠲租毋擅干誅夥
抗諭辭肫摯近郭諸苗誦傳皆感動而大河款眾挾
勢愈驕

二十七年冬十月乾州大河款苗築城繕器脅佃焚倉

附從盜眾

諸款頭以巢窟未堅附從不廣乃築城楊孟寨置卡
栽栗坡其餘勞神葫蘆等寨俱排椿樹柵分遣光明
長子昌富等脅裏鄰苗掠焚永綏補毫屯倉攻劫守
正相持之並耳寨土備龍大用石老才等家罄其資
產沿路張旗執械科費運糧
兇威大震

十一月款黨傳牌起事鄰寨干溪龍朋科甲諸苗從變

鎮筵總兵文安辰沅巡道呂恩湛統隊赴乾勘勦湖南提督王宗貴整軍駐辰州調度

沿邊有職領諸苗大半素封良善現雖款奸煽逼多由畏勢屈從惟永綏干溪款首孫文明孫文山鳳凰龍朋科甲款首龍老將龍老壳石上保等率徒嘯應甚露披猖鎮道聞變先後會乾扼捕調集營屯兵練團苗丁壯分布防援提督亦移駐辰州遙爲策應馴佃聞風拔歸口眾乾款始孤

十二月款苗犯鴨堡寨又犯爆木寨均經官兵擊退乘勝攻克龍朋科甲盡擒首逆永綏干溪首逆亦伏辜乾州款眾懇求輸租繳械散款投誠乃收縛積惡款頭按名解省誅之次年申

奏蠲租減額邊境肅清

初一日款匪圍撲鴨堡寨抄掠屯倉燒土備吳永清
室廬殺丁壯七人據其寨並焚排料岩落二倉輦穀
去初四日竄攻爆木營護倉營壘官兵力戰斬其渠
魁殲擒匪夥數十人勢窮返遁初七日鎮標守備瞿
騰龍北關守備田宗蕃吳支清合帶弁兵丁練千五
百人率同鳳凰土守備吳永清龍子明麻學道等共
領苗兵三千餘人勦賊鴨堡寨一戰克之賊奔大科
甲各隊跟蹤進勦十三日偵知乾苗糾眾復攻鴨堡
寨官兵分七伏以待賊至杉木寨西見誘敵兵少爭
利立驅伏發眾興羣苗潰散陣斬酋兇過當踐踏墜
崖死者相枕乘勝追破小科甲盡蕪逆巢連日進攻
龍朋大科甲四面兜圍大隊從中直搗款眾旁援路
絕遁迹無門寨毀巢傾遂將首禍諸兇盡獲適永綏
同知翟誥亦將著名匪首設計擒誅大軍畢萃乾州
乾苗大恐反側者荷担思逃署同知孫時澣揭示招
安遁近翻然就撫大河款勢彌衰該逆黨數千亦皆
繳械投誠跪求除死鎮道據詳大府遵
旨受降讞追勦亂兇渠石觀保等及漢奸羅大元楊興綜
二十餘人解省訊實誅之苗佃一律循舊繳租方事
之先督撫業將屯田凋敝情形專章列

奏至是彙案減豁沿邊正額積欠屯穀幾二十萬石窮
苗徭瘠獲蘇全楚苞桑永奠矣

咸豐五年冬十月貴州銅仁教匪徐廷杰等抗糧滋逆

據郭戕官分陷鄰城延攻楚屬楚右鄰黔郡縣一律

戒嚴

銅仁府屬上五崗舉人徐廷杰梅濟鼎等向習青蓮
邪教假降乩符水惑眾比因郡守葛景萊徵糧峻急
遂挾糧戶率妖徒於十月初一在大江起事次日撲
城內應援之城陷葛守被戕他官悉遁逆眾潛封偽
職劫庫縱監胥裏號招羣奸響應彌月連陷思州思
南石阡松桃玉屏青谿六府廳縣偽將軍趙子隆結
約綏陽賊團王安嫗苗逆頑民隴地發鄔黑隴鄔黑
虎等黨徒數萬人分擾楚疆沅晃鳳綏同時告警總
兵文安署道翟誥以變生倉卒餉乏兵虛飛報請援
領賢募勇合提現部據隘嚴防

十一月銅匪迭犯廳城經鎮道調合營屯練土團丁三

鳳凰志 卷六
戰皆捷窮退出境另股陷晃州麻陽攻沅州永綏總

兵文安

奏求協餉濟師適省中遣回原調軍勇千五百人始議分

方援勦

銅故黔東巨郡田畝境廣產饒殷饒諸酋據要區憑
豐積輒欲外勾粵逆擅制專方近慮楚援陰伺大軍
屢出營練空虛妄圖吞據冬月初一陷松桃十一日
大股數萬人分攻康金新場樂濠派防舉人吳自烈
戰傷奔返賊遂直犯鎮城鎮道以防單餉缺迅調左
右營弁兵及屯土丁壯帶合民團運碾倉糧罄捐私
蓄懸頒賞格撤焚近堞民房盡徙郊居入保總兵文
安據事飛章入

告

請廣精儲而自守南譙專司遣策分割營屯兵於城
上民丁持械登陴預誠各兵賊至五步始開鎗伏土
兵於西北郊伏營兵於觀景山伏練勇於對河沙壩
誠聞城上鎗聲方施夾擊天未曙賊抵菖蒲塘恍觀

探霧中軍容整布前驅疑不敢動侯曰高霧散乃分三路而前西路賊到最先守堞開鎗殲兇渠二茶園坡土兵伏發尾攻賊敗投南南路賊恃妖僧偽術能封火器揮眾直前城炮然應聲糜碎從黨盡殲觀景山營兵伏發斷其前適屯弁符永春率防練自亭子關至連合西路土兵抄其後諸酋奪命返奔西南賊俱敗而東路賊始來將近城城上飛數火彈賊渠焚死餘眾遭轟退擠迴龍街街後依高山前瀕大河來路爲土兵阻截內軍縋城直搗山上拋火罐焚街斃賊千餘其窘急投河者悉爲沙灣防練殲擒東賊無一脫者會日暮未窮追餘匪仍據廖家橋忿甚復於十八日肩梯負攜悉銳來攻越嶺直犯觀景山各軍預伏南華山頂迎頭奮截憑高斷險敵斃尤多賊復敗還二十一日諸軍方布進攻賊鋒又至官兵扼涼水井分左右夾擊斬其驍悍賊乃大奔沿途團勇跟追死傷逾半遁返銅城而西擾康金之賊尙盛徧躡苗疆田坪新寨轉撲永綏另股陷見州麻陽攻沅州適原調防省屯守備田宗蕃張萬書千總熊興柏部眾遣還始議擴清邊屬進復鄰城